



Broj: 02-05-1086/18
Lukavac, 05.07.2018.godine

Na osnovu člana 34. stav (7) i člana 70. stav (1), (3) i (6) Zakona o javnim nabavkama („Sl. glasnik BiH“, broj: 39/14), na Preporuku Konkursne komisije za provođenje Nagradnog konkursa za izradu Idejnog rješenja Urbanističkog projekta „Gradska pješačka zona u Lukavcu“, broj: 02-05-1086/18 od 02.07.2018.godine, Općinski Načelnik donosi

ODLUKU o dodjeli nagrade

Član 1.

Prihvata se preporuka Konkursne komisije za provođenje Nagradnog konkursa za izradu Idejnog rješenja Urbanističkog projekta „Gradska pješačka zona u Lukavcu“, broj: 02-05-1086/18 od 02.07.2018.godine i prva nagrada u bruto iznosu od 4.000,00 KM dodjeljuje konkursnom radu pod šifrom RG 1648, autora Mr. Delić Emira, diplomiranog inženjera arhitekture.

Član 2.

Autor konkursnog rada dužan je nakon prijema Odluke o dodjeli nagrade dostaviti **u roku od 7 (sedam) dana** original ili ovjerenu kopiju dokaza o ispunjavanju uslova iz člana 49. stav (9) Zakona o javnim nabavkama BiH, kako je navedeno u tački 2.4.6. Konkursne dokumentacije broj: 02-05-1086/18, kao i 3 (tri) primjerka kompletnog sadržaja Idejnog rješenja u analognoj i elektronskoj formi (izvorni formati: dwg, word, excel, jpg i dr.).

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan način, Nagradni konkurs za izradu Idejnog rješenja Urbanističkog projekta „Gradska pješačka zona u Lukavcu“ će biti poništen.

Član 3.

Isplatu sredstava iz člana 2. ove Odluke izvršit će Služba za budžet i finansije sa budžetske pozicije, razdio 11, potrošačka jedinica 117, ekonomski kod 821220 – 3.izrada idejnih rješenja.....

Član 4.

Ova Odluka objavit će se na internet stranici ugovornog organa (www.lukavac.ba) istovremeno sa upućivanjem autoru koji je učestvovao u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom Općinskog Načelnika o pokretanju postupka javne nabavke broj: 02-02-1-1085/18 od 24.04.2018.godine. Javna nabavka odnosi se na Nagradni konkurs za izradu Idejnog rješenja Urbanističkog projekta „Gradska pješačka zona u Lukavcu“.

Strana 1 od 2



ISO 9001:2015
No 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015 No.
308550 QM15

Procijenjena vrijednost javne nabavke bez PDV-a je 8.550,00 KM.

Obavještenje o nabavci broj: 719-6-2-10-3-28/18 objavljeno je na Portalu javnih nabavki dana 25.04.2018.godine i u „Službenom glasniku BiH“, broj 27/18 od 27.04.2018.godine.

Konkursna Komisija za provođenje postupka javne nabavke imenovana je Rješenjem Općinskog Načelnika broj: 02-05-1138/18 od 27.04.2018.godine.

U predmetnom postupku blagovremeno je zaprimljena 1 (jedna) ponuda, uredno zapakovana i označena. Nije bilo neblagovremeno zaprimljenih ponuda.

Nakon otvaranju prispjele ponude označene šifrom RG 1648 konstatovano je da ponuda sadrži dvije neprovidne i zatvorene koverta, takođe označene šifrom RG 1648 i to jednu sa naznakom „KONKURSNI RAD“ i drugu sa naznakom „AUTOR“.

U prvoj koverti dostavljeni su tekstualni prilozi (uvod, analiza postojećeg stanja, obrazloženje koncepta Idejnog rješenja, aproksimativna procjena realizacije rješenja) i grafički prilozi (situacija postojećeg stanja u obuhvatu rješenja, situacija planiranog stanja sa rješenjem saobraćaja, namjena i obrada površina, karakteristični presjeci i pogledi, hortikulturno rješenje, 3D prikaz planiranog stanja, idejna rješenja novoplaniranih objekata (opciono), te idejna rješenja rekonstrukcije i adaptacije izvedenih objekata u obuhvatu rješenja (opciono).

Grafički prilozi i 3D modeli su u A3 formatu kao i cijeli rad, koji je uvezan u jedinstvenu cjelinu jemstvenikom, te je kompletno Idejno rješenje dostavljeno i u elektronskoj formi.

U drugoj koverti dostavljeni su sljedeći dokumenti: obrazac za dostavljanje idejnog rješenja, izjava ponuđača o originalnosti rada i dozvoli prenosa autorskih prava na općinu Lukavac, kopija LK, kopija diplome, izjava o ispunjenosti uslova iz člana 45. ZJN, te izjava iz člana 52. ZJN.

Ponuda pod šifrom RG 1648 je kvalifikovana, tj. sadrži sve potrebne elemente propisane Tenderskom dokumentacijom.

Svi članovi Komisije dali su kratku analizu dostavljenog konkursnog rada primjenjujući kriterije:

- usklađenosti rada sa projektnim zadatkom,
- funkcionalnost, estetske i oblikovne kvalitete predloženog rješenja,
- aktuelnost rješenja u savremenom arhitektonskom i urbanističkom diskursu i
- finansijsku racionalnost u realizaciji konkursnog rješenja.

Analiza je vođena kroz isčitavanje pristiglog tekstualnog obrazloženja, upoređivanjem istog sa prilogima, te direktnog uvida svakog člana Komisije u pristigli rad.

Uzimajući u obzir naprijed navedeno, Konkursna komisija zauzela je jedinstven stav da se konkursnom radu pod šifrom RG 1648, autora Mr. Delić Emira, diplomiranog inženjera arhitekture, dodijeli prva nagrada u bruto iznosu od 4.000,00 KM.

Iz navedenih razloga, primjenom člana 34. stav (7) Zakona o javnim nabavkama, člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine-Filijala Mostar, putem ugovornog organa u pisanoj formi direktno ili preporučeno poštanskom pošiljkom, na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Sekretar komisije:
Fahrudin Hasanhodžić

Dostaviti:

1. Mr. Delić Emir, Tuzla
2. Evidenciji i
3. Arhivi.-

